

**26 Февраля 2025 года, Вторник, (А310,В40), Глас 4. Последование часов, изобразительных(Иже во святых отца нашего Порфирия, архиепископа Газскаго), вечерни (Преподобнаго отца нашего и исповедника Прокония Декаполита) во вторник**

## Час третий

**Священник:** Благословен Бог наш всегда, ныне и присно и во веки веков.

**Чтец:** Аминь.

**Слава Тебе, Боже наш, слава Тебе.**

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**Святый Боже, Святый Крепкий, Святый Безсмертный, помилуй нас. (Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Аминь.

Господи, помилуй. (12 раз.)

**Слава Отцу и Сыну и Святому Духу, и ныне и присно и во веки веков. Аминь.**

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

## Псалмы 16, 24, 50.

Услыши, Господи, правду мою, вонми молению моему, внуши молитву мою не во устнах лстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаблют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых, острастших мя, врази мои душу мою одержаша. Тук свой затвориша, уста их глаголаша гордыню. Изгоняшии мя ныне обыдоша мя, очи свои возложиша

уклонити на землю. Объяша мя яко лев готов на лов, и яко скимен обитаяй в тайных. Воскресни, Господи, предвари я, и запни им, избави душу мою от нечестиваго, оружие Твое от враг руки Твоея. Господи, от малых от земли раздели я в животé их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, внегда явити ми ся славе Твоей.

**К** Тебé, Господи, воздвигóх душу мою, Бóже мóй, на Тя упováх, да не постыжуся во век, ниже да посмеют ми ся врази мои, ибо вси терпящии Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мóй, и Тебе терпéх весь день. Помяни щедроты Твоя, Господи, и милости Твоя, яко от вéка суть. Грех юности моея, и неведения моего не помяни, по милости Твоей помяни мя Ты, ради благасти Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все путиé Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егóже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко упováх на Тя. Незлобивии и правии прилеплюхуся мне, яко потерпéх Тя, Господи. Избави, Бóже, Израиля от всех скорбей его.

**П**омилуй мя, Бóже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих, яко да оправдишися во словесех Твоих, и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Бóже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от Мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего, возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Бóгу дух сокрушен: сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся

стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Другой Чтец: И ныне и присно и во веки веков. Аминь.**

### **Кафисма 14-я.**

**Молитва нищаго, егда уныет, и пред Господем пролиет моление свое, 101.**

Господи, услыши молитву мою, и вопль мой к Тебе да придет. Не отврати лица Твоего от Мене: воньже аще день скорблю, приклони ко мне ухо Твое: воньже аще день призову Тя, скоро услыши мя. Яко исчезоша яко дым дни мои, и кости моя яко сушило сохшося. Уязвен бых яко трава, и изсше сердце мое, яко забых снести хлеб мой. От гласа воздыхания моего прильпе кость моя плоти моей. Уподобихся неясоти пустынной, бых яко ночный вран на нырищи. Бдох и бых яко птица особящаяся на зде. Весь день поношаху ми врази мои, и хвалящи мя мною кленяхуся. Зане пепел яко хлеб ядях, и питие мое с плачем растворях. От лица гнева Твоего и ярости Твоея: яко вознес низвергл мя еси. Дни мои яко сень уклонишася, и аз яко сено изсхох. Ты же, Господи, во век пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои каменение его, и персть его ущедрят. И убоятся языцы имене Господня, и вси царие земстии славы Твоея. Яко созиждет Господь Сиона, и явится во славе Своей. Призре на молитву смиренных, и не уничижи моления их. Да напишется сие в род ин, и людие зиждемии восхвалят Господа. Яко приниче с высоты святых Своея, Господь с небес на землю призре, услышати воздыхание окованных, разрешити сыны умерщвленных, возвестити в Сионе имя Господне, и хвалу Его во Иерусалиме. Внегда обратися людем вкупе и царем, еже работати Господеви. Отвещая Ему на пути крепости Его: умаление дней моих возвести ми. Не возведи мене во преполовение дней моих: в роде родов лета Твоя. В началах Ты, Господи, землю основал еси, и дела руку Твоею суть небеса. Та погубнут, Ты же пребываеши, и вся яко риза обетшают, и яко одежду свиеши я, и изменятся. Ты же тойжде еси, и лета Твоя не оскудеют. Сынове раб Твоих вселятся, и семя их во век исправится.

### **Псалом Давиду, 102.**

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления животов твоих, венчающего твоя милостию и щедротами, исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисею, сыновом

израиелевым хотения Своя. Щедр и милостив Господь, долготерпелив и многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа, вси Ангели Его, сильнии крепостию, творящи слово Его, услышати глас словес Его. Благословите Господа, вся силы Его, слуги Его, творящи волю Его. Благословите Господа, вся дела Его, на всяком месте владычества Его, благослови, душе моя, Господа.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе, Боже. *(Трижды.)*

Господи, помилуй. *(Трижды.)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Псалом Давиду, о мирстем бытии, 103.**

Благослови, душе моя, Господа. Господи Боже мой, возвеличился еси зело, во исповедание и в велелепоту облелся еси. Одейся светом яко ризою, простираяй небо яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи, и слуги Своя пламень огненный. Основаяй землю на тверди ея, не преклонится в век века. Бездна яко риза одеяние ея, на горах станут воды, от запрещенія Твоего побегнут, от гласа грома Твоего убоются. Восходят горы, и низходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тех птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил есть луну во времена, солнце позна запад свой. Положил еси тьму, и бысть ночь, в нейже пройдут вси зверие дубравнии. Скимни рыкающие восхитити, и взыскати от Бога пищу себе. Возсия солнце, и собращася, и в ложах своих лягут. Изыдет человек на дело свое, и на делание свое до вечера. Яко возвеличишася дела Твоя, Господи,

вся премудростию сотворил еси, исполнися земля твари Твоя. Сие море великое и пространное, тамо гади, ихже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им, соберут, отверзшу Тебе руку, всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеси Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Аллилуиа, 104.**

**Исповедаетесь** Господеви, и призывайте имя Его, возвестите во языцех дела Его. Воспойте Ему и пойте Ему, поведите вся чудеса Его. Хвалитесь о имени святом Его, да возвеселится сердце ищущих Господа. Взыщите Господа, и утвердитесь, взыщите лица Его выину. Помяните чудеса Его, яже сотвори, чудеса Его, и судьбы уст Его. Семя Авраамле раби Его, сынове Иаковли избраннии Его. Той Господь Бог наш, по всей земли судьбы Его. Помяну в век завет Свой, слово, еже заповеда в тысящи родов, еже завеща Аврааму, и клятву Свою Исааку. И постави ю Иакову в повеление, и Израилю в завет вечен, глаголя: тебе дам землю Ханааню, уже достояния вашего, внегда быти им малым числом, малейшим и пришельцем в ней. И преидоша от языка в язык, и от царствия в люди ины. Не остави человека обидети их, и обличи о них царя. Не прикасайтесь помазанным Моим, и во пророцех Моих не лукавните. И призва глад на землю, всяко утверждение хлебное сотры. Посла пред ними человека: в раба продан бысть Иосиф. Смирisha во оковах нозе его, железо пройде душа его, дондеже прииде слово Его, слово Господне разжже его. Посла царь и разреши его: князь людей, и остави его. Постави его господина дому своему, и князя всему стяжанию своему, наказати князи его яко себе, и старцы его умудрити. И вниде Израиль во Египет, и Иаков пришельствова в землю Хамову. И возрасти люди своя зело, и укрепил я паче врагов их. Преврати сердце их возненавидети люди Его, леств сотворити в рабах Его. Посла Моисеа раба Своего, Аарона, егже избра Себе. Положи в них словеса знамений Своих, и чудес Своих в земли Хамове. Посла тьму и помрачи, яко преогорчиша словеса Его. Преложил воды их в кровь, и измори рыбы их. Воскипе земля их жабами в сокровищницах царей их. Рече, и преидоша песия мухи, и скнипы во вся

пределы их. Положи дожди их грады, огонь пополяющ в земли их, и поразит винограды их и смоквы их, и сотри всякое древо предел их. Рече, и приидоша пружи и гусеницы, имже не бе числа. И снестоша всяку траву в земли их, и поядоша всяк плод земли их. И поразит всякаго первенца в земли их, начаток всякаго труда их, и изведе я с серебром и златом, и не бе в коленах их боляй. Возвеселися Египет во исхождении их, яко нападе страх их на ня. Распростре облак в покров им, и огонь, еже просветити им нощию. Просиша, и приидоша крастели, и хлеба небеснаго насыти я, разверзе камень и потекоша воды, потекоша в безводных реки, яко помяну слово святое Свое, еже ко Аврааму, рабу Своему. И изведе люди Своя в радости, и избранныя Своя в веселии. И даде им страны язык, и труды людей наследоваша, яко да сохранят оправдания Его и закона Его взыщут.

**Слава Отцу и Сыну и Святому Духу, и ныне и присно и во веки веков. Аминь.**

*Аллилуиа, аллилуиа, аллилуиа, слава Тебе, Боже. (Трижды.)*

*Господи, помилуй. (Трижды.)*

*По кафисме священник, став пред царскими дверьми, глаголет настоящий тропарь со стихи, во глас 6:*

**Священник:** Господи, Иже Пресвятаго Твоего Духа в третий час апостолом Твоим низпославый: Того, Благий, не отыми от нас, но обнови нас, молящих Ти ся. *(Поклон великий.)*

**Лик:** Господи, Иже Пресвятаго Твоего Духа в третий час апостолом Твоим низпославый: Того, Благий, не отыми от нас, но обнови нас, молящих Ти ся.

**Стих 1:** Сердце чисто созижди во мне, Боже, и дух прав обнови во утробе моей. *(Поклон великий.)*

**Лик:** Господи, Иже Пресвятаго Твоего Духа в третий час апостолом Твоим низпославый: Того, Благий, не отыми от нас, но обнови нас, молящих Ти ся.

**Стих 2:** Не отвержи мене от лица Твоего и Духа Твоего Святаго не отыми от Мене. *(Поклон великий.)*

**Лик:** Господи, Иже Пресвятаго Твоего Духа в третий час апостолом Твоим низпославый: Того, Благий, не отыми от нас, но обнови нас, молящих Ти ся.

**Священник:** Слава Отцу и Сыну и Святому Духу.

**Чтец:** И ныне и присно и во веки веков. Аминь.

Богородице, Ты еси лоза истинная, возрастившая нам плод живота: Тебе молимся, молися, Владычице, со святыми апостолы, помилувати души наша.

Господь Бог благословен, благословен Господь день дне, поспешит нам Бог спасений наших: Бог наш, Бог спасати.

Святой Боже, Святой Крепкий, Святой Безсмертный, помилуй нас. *(Трижды.)*

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

*Господи, помилуй. (Трижды.)*

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь

нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Амѣнь.

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную, Человеколюбче, слава Тебе.

**Слава Отцу и Сыну и Святому Духу.**

Скорое и известное даждь утешение рабам Твоим, Иисусе, внемда унывати духом нашим, не разлучайся от душ наших в скорбех, не удаляйся от мыслей наших во обстояниях: но присно нас предвари. Приблизися нам, приблизися, вездѣ Сый, якоже со апостолы Твоими всегда еси, сице и Тебѣ желающим соедини Себѣ, Щедре, да совокуплене Тебѣ поем и славословим Всесвятаго Духа Твоего.

**И** ныне и присно и во веки веков. Амѣнь.

Надежда и предстательство и прибежище христиан, необоримая стена, изнемогающим пристанище небурное Ты еси, Богородице Пречистая: но яко мир спасающая непрестанною Твоею молитвою, помяни и нас, Дево Всепетая.

**Господи, помилуй. (40 раз.)**

Иже на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагодарне, Иже праведныя любяй и грешныя милуяй, Иже вся зовый ко спасению, обещания ради будущих благ. Сам, Господи, прими и наша в час сей молитвы, и исправи живот наш к заповедем Твоим: души наша освяти, телеса очисти, помышления исправи, мысли очисти и избави нас от всякия скорби, зол и болезней. Огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум неприступныя Твоея славы: яко благословен еси во веки веков. Амѣнь.

**Господи, помилуй. (Трижды.)**

**Слава Отцу и Сыну и Святому Духу, и ныне и присно и во веки веков. Амѣнь.**

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Именем Господним благослови, отче.**

**Священник:** Боже, ущедри ны и благослови ны, просвети лице Твое на ны и помилуй ны.

**Чтец:** Амѣнь.

### **Молитва святаго Ефрема:**

**Священник:** Господи и Владыко живота моего, дух праздности, уныния, любоначалия и празднословия не даждь ми. **(Поклон великий.)**

**Священник:** Дух же целомудрия, смиренномудрия, терпения и любве даруй ми, рабу Твоему. **(Поклон великий.)**

**Священник:** Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Амѣнь. **(Поклон великий.)**

**Таже малых 12, глаголюще в себе на кийждо поклон:**

**Божже, очисти мя, грешнаго.**

**И паки:** Господи и Владыко животá моего, дух праздности, уныния, любоначáлия и празднослóвия не даждь ми.

Дух же целомудрия, смиренномудрия, терпéния и любвѣ даруй ми, рабѹ Твоемѹ.

Ей Господи Царю, даруй ми зрѣти моя прегрешения и не осуждати брата моего, яко благословен еси во веки веков.**(И поклон един великий.)**

**Чтец:** Амѣнь.

Владыко Божже, Отче Вседержителю, Господи, Сыне Единородный, Иисусе Христе, и Святыи Душе, Еди́но Божество, Еди́на Си́ла, помилуй мя, грешнаго, и и́миже ве́си судьба́ми, спаси́ мя, недостойнаго раба́ Твоего́, яко благословен еси́ во ве́ки веко́в. Амѣнь.

## Час шестый

**Чтец:** Приидите, поклонимся Царевѹ нашему́ Богу.

Приидите, поклонимся и припадѣм Христу́, Царевѹ нашему́ Богу.

Приидите, поклонимся и припадѣм Самому́ Христу́, Царевѹ и Богу́ нашему́.

## Псалмы 53, 54, 90.

Божже, во и́мя Твое спаси́ мя и в си́ле Твоей суди́ ми. Божже, услы́ши моли́тву мою, внуши́ глаго́лы уст моих. Яко чу́ждии воста́ша на мя, и крѣпцыи взыска́ша ду́шу мою, и не предложи́ша Бога пред собо́ю. Се бо Бог помога́ет ми, и Госпо́дь Засту́пник души́ моей. Отврати́т злая́ враго́м моим, и́стиною Твоею потреби́ их. Бо́лею пожру́ Тебе, испове́мся имени Твоему, Господи, яко́ благо, яко́ от всякия́ печáли избавил мя еси́, и на враги́ моя воззрѣ́ око́ мое.

Внуши́, Божже, моли́тву мою и не презри́ моления́ моего. Вонми́ ми и услы́ши мя: возскорбѣх печáлию моею и смято́хся от гласа́ вра́жия и от стужения́ грѣшника. Яко́ уклони́ша на мя беззаконіе, и во гнѣве враждова́ху ми. Сердце́ мое смяте́ся во мне, и боя́знь смѣрти нападе́ на мя. Страх и трѣпет прииде́ на мя, и покры́ мя тьма. И рех: кто даст ми криле́, яко́ голуби́не? И полещу́, и почи́ю. Се удали́хся бѣгая, и водвори́хся в пустыни. Ча́ях Бога, спаса́ющаго мя от малоду́шия и от бу́ри. Потопи́, Господи, и раздели́ языки́ их: яко́ видех беззаконіе и пререка́ние во граде. Днем и но́щию обы́дет и по стена́м его. Беззаконіе и труд посреде́ его, и неправда. И не оскуде́ от стогн его́ ли́хва и лесть. Яко́ а́ще бы враг поноси́л ми, претерпѣл бых у́бо, и а́ще бы ненави́дѣя мя на мя велере́чевал, укры́л бых ся от него. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мною́ бра́шен, в дому́ Божии́ ходи́хом единомышле́нием. Да приидет же смерть на ня, и да снѣдут во ад жи́ви, яко́ лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Вѣчер и зау́тра, и полудне пове́м, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, яко́ во мно́зе бѣху со мною́. Услы́шит Бог и смири́т я, Сый прѣ́жде век. Несть бо им изменения́, яко́ не убо́яшася Бога. Простре́ ру́ку Свою́ на воздая́ние, оскверни́ша завет́ Его. Раздели́шася от гнѣва́ лица́ Его, и прибли́жишася сердца́



их, умякнуша словеса их паче елѣя, и та суть стрѣлы. Возвѣрзи на Господа печаль твою, и Той тя препитаѣет, не даст в век молвы праведнику. Ты же, Бже, низведѣши я в студенѣц истлѣния, мужие кровей и льсти не преполовят дней своих. Аз же, Господи, уповаю на Тя.

**Живый** в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешься: оружием обыдет тя истина Его. Не убойшия от страха ночнаго, от стрелы летящия во дни, от вещи во тьме преходящия, от сряща и беса полуденнаго. Падет от страны твоея тысяща, и тьма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрюю и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долготю дней исполню его, и явлю ему спасение Мое.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Бже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Другой Чтец: И ныне и присно и во веки веков. Аминь.**

### **Кафисма 15-я.**

#### **Аллилуиа, 105.**

**Исповедайтесь** Господеви, яко Благ, яко в век милость Его. Кто возглаголет силы Господни? Слышаны сотворит вся хвалы Его? Блажени хранящии суд и творящии правду во всякое время. Помяни нас, Господи, во благоволении людѣй Твоих, посети нас спасением Твоим. Видети во благодости избранныя Твоя, возвеселитися в веселии языка Твоего, хвалитися с достоянием Твоим. Согрешихом со отцы нашими, беззаконновахом, неправдовахом. Отцы наши во Египте не разумеша чудес Твоих, ни помянуша множества милости Твоя и преогорчиша восходяще в Чермное море. И спасе их имене Своего ради, сказа ти силу Свою, и запрети Чермному морю, и изсяче, и наста ви я в бездне, яко в пустыни. И спасе я из руки ненавидящих, и избави я из руки врагов. Покрѣ вода стужающия им, ни един от них избысть. И вероваша словеси Его, и воспеша хвалу Его. Ускориша, забыша дела Его, не стерпеша совета Его: и похотеша желанию в пустыни, и искусиша Бога в безводней. И даде им прошение их, посла сытость в души их. И прогневаша Моисея в стану, Аарона святаго Господня. Отверзеса земля и пожре Дафана, и покрѣ на сонмищи

Авирона, и разжжётся огонь в сонме их, пламень попали грешники. И сотвориша тельца в Хориве, и поклонишася истуканному, и измениша славу Его в подобие тельца ядущаго траву, и забыша Бога спасающаго их, сотворшаго велия во Египте, чудеса в земли Хамове, страшная в мори Чермнем. И рече потребити их, аще не бы Моисей, избранный Его, стал в сокрушении пред Ним, возвратити ярость Его, да не погубит их. И уничижиша землю желанную, не яша веры словеси Его, и поропташа в селениих своих, не услышаша гласа Господня. И воздвиге руку Свою на ня, низложити я в пустыни. И низложити семя их во языцех, и расточити я в страны. И причастишася Веельфегору, и снедоша жертвы мертвых. И раздражиша Его в начинаниих своих, и умножися в них падение. И ста Финеес, и умилостиви, и преста сечь. И вменися ему в правду, в род и род до века. И прогневаша Его на воде пререkania, и озлоблен бысть Моисей их ради, яко преогорчиша дух его и разнствова устнама своима. Не потребиша языки, яже рече Господь им, и смесишася во языцех, и навикоша делом их. И поработаша истуканным их, и бысть им в соблазн, и пожроша сыны своя и дщери своя бесовом, и пролияша кровь неповинную, кровь сынов своих и дщерей, яже пожроша истуканным ханаанским, и убиена бысть земля их кровью, и осквернися в делех их, и соблудиша в начинаниих своих. И разгневался яростию Господь на люди Своя, и омерзи достойние Свое, и предаде я в руки врагов, и обладаша ими ненавидящие их. И стужиша им врази их, и смиришася под рукама их. Множицею избави я, ти же преогорчиша Его советом своим, и смиришася в беззаконниих своих. И виде Господь, внемда скорбети им, внемда услышаше моление их. И помяну завет Свой, и раскаяся по множеству милости Своея, и даде я в щедроты пред всеми пленившими я. Спаси ны, Господи, Боже наш, и собери ны от язык, исповедатися имени Твоему святому, хвалитися во хвале Твоей. Благословен Господь Бог Израилев от века и до века. И рекут вси людие: буди, буди.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Аллилуиа, 106.**

**Исповедаетесь Господеву, яко Благ, яко в век милость Его. Да рекут избавленнии Господем, ихже избави из руки врага, и от стран собра их, от восток и запад, и севера, и моря. Заблудиша в пустыни безводней, пути града обительнаго не обретоша. Алчуще и жаждуще, душа их в них исчезе. И возваша ко Господу, внемда скорбети им, и от нужд их избави я, и настави я на путь прав, внити во град обительный. Да исповедятся Господеву милости Его, и чудеса Его сыновом человеческим, яко насытил есть душу тщу, и душу алчущу исполни благ. Седящая во тме и сени смертней, окованныя нищетою и железом, яко преогорчиша словеса Божия и совет Вышняго раздражиша. И**

смирися в трудех сердце их, и изнемогаша, и не бе помогаая. И возваша ко Господу, внемда скорбети им, и от нужд их спасе я, и изведе я из тьмы и сени смертныя, и узы их растерза. Да исповедятся Господеви милости Его, и чудеса Его сыновом человеческим, яко сокруши врата медная и верей железныя сломи. Восприят я от пути беззакония их, беззаконий бо ради своих смиришася. Всякаго брашна возгнушася душа их, и приближишася до врат смертных. И возваша ко Господу, внемда скорбети им, и от нужд их спасе я, посла слово Свое, и исцели я, и избави я от растлений их. Да исповедятся Господеви милости Его, и чудеса Его сыновом человеческим, и да пожрут Ему жертву хвалы, и да возвестят дела Его в радости. Сходящи в море в кораблях, творящи делания в водах многих, тии видеша дела Господня и чудеса Его во глубине. Рече, и ста дух бурен, и вознесошася волны его, восходят до небес и низходят до бездн, душа их в злых таяше: смятошася, подвигошася, яко пияный, и вся мудрость их поглощена бысть. И возваша ко Господу, внемда скорбети им, и от нужд их изведе я, и повеле бури, и ста в тишину, и умолкоша волны его. И возвеселишася, яко умолкоша, и настави я в пристанище хотения Своего. Да исповедятся Господеви милости Его, и чудеса Его сыновом человеческим: да вознесут Его в церкви людстей и на седилищи старец восхвалят Его. Положил есть реки в пустыню, и исходища водная в жажду, землю плодородную в сланость, от злобы живущих на ней. Положил есть пустыню во езера водная и землю безводную во исходища водная. И насели тамо алчущия, и составиша грады обительны, и насаяша села, и насадиша винограды, и сотвориша плод житен. И благослови я, и умножишася зело, и скоты их не умали. И умалишася, и озлобишася от скорби зол и болезни. Излияся уничижение на князи их, и облазни я по непроходней, а не по пути. И поможет убогу от нищеты и положи яко овцы отечества. Узрят правии и возвеселятся, и всякое беззаконие заградит уста своя. Кто премудр и сохранит сия? И уразумеют милости Господни.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Песнь, псалом Давиду, 107.**

Готово сердце мое, Боже, готово сердце мое: воспою и пою во славе моей. Востани слава моя, востани псалтирю и гусли: востану рано. Исповемся Тебе в людех, Господи, пою Тебе во языцех. Яко велия верху небес милость Твоя и до облак истина Твоя. Вознесися на небеса, Боже, и по всей земли слава Твоя, яко да избавятся возлюбленнии Твои: спаси десницею Твоею и услыши мя. Бог возглагола во святем Своем: вознесуся и разделю сикиму, и удоль селений размерю. Мой есть Галаад, и Мой есть Манассий, и Ефрем заступление главы Моея, Иуда царь Мой. Моав коноб упования Моего, на Идумею наложу сапог

Мой: Мне иноплемённости покорись. Кто введёт мя во град ограждения? Или кто наставит мя до Идумей? Не Ты ли, Боже, отринувый нас? И не изыдеши, Боже, в силах наших? Дажь нам помощь от скорби, и суетно спасение человеческо. О Бозе сотворим силу, и Той уничижит враги наша.

**В конец, псалом Давиду, 108.**

**Б**оже, хвалы моея не премолчи, яко уста грешника и уста льстиваго на мя отверзоса, глаголаша на мя языком льстивым, и словесы ненавистными обидоша мя, и брашася со мною туне. Вместо еже любити мя, оболгаху мя, аз же моляхся, и положиша на мя злая за благая, и ненависть за возлюбление мое. Постави на него грешника, и диавол да станет одесную его. Внегда судитися ему, да изыдет осужден, и молитва его да будет в грех. Да будут дни его мали, и епископство его да примет ин: да будут сынове его сири, и жена его вдова: движущаяся да преселятся сынове его и воспросят, да изгнани будут из домов своих. Да взыщет заимодавец вся, елика суть его, и да восхитят чуждии труды его. Да не будет ему заступника, ниже да будет ущедряя сироты его. Да будут чада его в погубление, в роде едином да потребится имя его. Да воспомянется беззаконие отец его пред Господем, и грех матери его да не очистится. Да будут пред Господем выну, и да потребится от земли память их. Занеже не помяну сотворити милость, и погна человека нища и убога, и умилена сердцем умертвити. И возлюбил клятву, и приидет ему, и не восхотел благословения, и удалится от него. И облечеся в клятву яко в ризу, и вниде яко вода во утробу его, и яко елей в кости его. Да будет ему яко риза, в нюже облачится, и яко пояс, имже выну опоясуется. Сие дело оболгающих мя у Господа и глаголющих лукавая на душу мою. И Ты, Господи, Господи, сотвори со мною имене ради Твоего, яко блага милость Твоя. Избави мя, яко нищ и убог есмь аз, и сердце мое смятеся внутрь мене. Яко сень, внегда уклонитися ей, отяхся, страсохся яко пружи. Колена моя изнемогоста от поста, и плоть моя изменися елеа ради. И аз бых поношение им, видеша мя, покиваша главами своими. Помози ми, Господи Боже мой, и спаси мя по милости Твоей, и да разумют, яко рука Твоя сия, и Ты, Господи, сотворил еси ю. Прокленут ти, и Ты благословивши: встающие на мя да постыдятся, раб же Твой возвеселится. Да облекутся оболгающие мя в срамоту, и одедутся, яко одеждею, студом своим. Исповемся Господеви zelo усты моими, и посреде многих восхвалю Его, яко предста одесную убогаго, еже спасти от гонящих душу мою.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**По кафисме священник, став пред царскими дверьми, глаголет настоящий тропарь со стихи, во глас 2:**

**Священник: Иже в шестый день же и час на Кресте пригвождён в рай дерзновенный Адамов грех и согрешений наших рукописание раздери, Христе Боже, и спаси нас. (Поклон великий.)**

**Лик:** Иже в шестый день же и час, на Кресте пригвождей в рай дерзновенный Адамов грех, и согрешений наших рукописание раздери, Христе Боже, и спаси нас.

**Стих 1:** Внуши, Боже, молитву мою, и не презри моления моего. *(Поклон великий.)*

**Лик:** Иже в шестый день же и час, на Кресте пригвождей в рай дерзновенный Адамов грех, и согрешений наших рукописание раздери, Христе Боже, и спаси нас.

**Стих 2:** Аз к Богу воззвах, и Господь услыша мя. *(Поклон великий.)*

**Лик:** Иже в шестый день же и час, на Кресте пригвождей в рай дерзновенный Адамов грех, и согрешений наших рукописание раздери, Христе Боже, и спаси нас.

**Священник:** Слава Отцу и Сыну и Святому Духу.

**Чтец:** И ныне и присно и во веки веков. Аминь.

Яко не имамы дерзновения за премногия грехи наша, Ты иже от Тебе Родшагося моли, Богородице Дево, много бо может моление матернее ко благосердию Владыки, не презри грешных мольбы, Всечистая, яко Милостив есть и спасти могый, иже и страдати о нас изволивый.

**Чтец:** Тропарь пророчества, глас шестый:

Достойно воспети Тя не можем, но просим молящися: не погуби нас со беззаконными нашими, благопременителю Господи.

**Слава Отцу и Сыну и Святому Духу, и ныне и присно и во веки веков. Аминь.**

Достойно воспети Тя не можем, но просим молящися: не погуби нас со беззаконными нашими, благопременителю Господи.

**Диакон:** Воннем.

**Чтец:** Прокимен, глас четвертый:

Господи, возлюбих благолепие дому Твоего, и место селения славы Твоея.

**Лик:** Господи, возлюбих благолепие дому Твоего, и место селения славы Твоея.

**Чтец, Стих:** Суди ми Господи, яко аз незлобою моею ходих.

**Лик:** Господи, возлюбих благолепие дому Твоего, и место селения славы Твоея.

**Чтец:** Господи, возлюбих благолепие дому Твоего,

**Лик:** и место селения славы Твоея.

**Диакон:** Премудрость.

**Чтец:** Пророчества Исаиина чтение

*[Ис. 5:7-16.]*

**Диакон:** Воннем.

**Чтец:** Тако глаголет Господь: виноград Господа Саваофа дом Израилев есть, и человек Иудин, новый сад возлюбленный: ждах, да сотворит суд, сотвори же беззаконие и неправду, но вопль. Горе совокупающим дом к дому, и село к селу приближающим, да ближнему отнимут что: еда вселитесь едины на земли; услышашася бо во ушесах Господа Саваофа сия: аще бо будут домове мнози, в запустение будут велиции и добрии, и не будут живущии в них. Идеже бо

возьорют десять супруг волон, сотворит корчаг един, и сеяй артавас шесть, сотворит меры три. Горе востающим заутра, и сикер гонящим, ждущим вечера: вино бо сожжет я. С гуслими бо и певницами, и тимпаны, и свирельми вино пьют, на дела же Господня не взирают, и дел руку Его не помышляют. Убо пленени быша людие Мои, за еже не ведети им Господа, и множество бысть мертвых гланда ради, и жажды водных. И разшири ад душу свою, и разверзе уста своя, еже не престати: и снидут славнии, и велицыи, и богати, и губители их, и веселяйся в нем. И смирится человек, и обезчестится муж, и очи высокоглядающии смирятся. И вознесется Господь Саваоф в суде, и Бог Святыи прославится в правде.

**Диакон:** Воннем.

**Чтец:** Прокимен, глас третий.

Господь просвещение мое, и Спаситель мой, кого убоюся

**Лик:** Господь просвещение мое, и Спаситель мой, кого убоюся

**Чтец, Стих:** Господь защититель живота моего, от кого устрашуся

**Лик:** Господь просвещение мое, и Спаситель мой, кого убоюся

**Чтец:** Господь просвещение мое, и Спаситель мой

**Лик:** кого убоюся

**Чтец:** Скоро да предварят ны щедроты Твоя, Господи, яко обнищавом зело. Помози нам, Боже, Спасе наш: славы ради имене Твоего, Господи, избави нас и очисти грехи наша, имене ради Твоего.

Святыи Боже, Святыи Крепкий, Святыи Безсмертный, помилуй нас. **(Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. **(Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Аминь.

### **Таже глаголем тропари:**

Спасение соделал еси посреде земли, Христе Боже, на Кресте пречистеи руке Твоей простерл еси, собирая вся языки, зовущия: Господи, слава Тебе.

**Слава Отцу и Сыну и Святому Духу.**

Пречистому образу Твоему поклоняемся, Благий, просяще прощения прегрешений наших, Христе Боже: волею бо благоволил еси плотию взыти на Крест, да избавиши, яже создал еси, от работы вражия. Тем благодарственно

вопиём Ти: радости исполнил еси вся, Спасе наш, пришедый спасти мир.

**И ныне и присно и во веки веков. Аминь.**

**Милосердия** сущи источник, милости сподоби нас, Богородице, призри на люди согрешившия, яви яко присно силу Твою: на Тя бо уповающе, радуйся вопиём Ти, якоже иногда Гавриил, безплотных Архистратиг.

**Господи, помилуй. (40 раз.)**

**Иже** на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагоутробне, Иже праведныя любяй и грешныя милуяй, Иже вся зовый ко спасению, обещания ради будущих благ. Сам, Господи, прими и наша в час сей молитвы, и исправи живот наш к заповедем Твоим: души наша освяти, телеса очисти, помышления исправи, мысли очисти и избави нас от всякия скорби, зол и болезней. Огради нас святыми Твоими Ангелы, да ополчением их соблюдаеми и наставляеми, достигнем в соединение веры, и в разум неприступныя Твоея славы: яко благословен еси во веки веков. Аминь.

**Господи, помилуй. (Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

**Честнейшую** Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Именем** Господним благослови, отче.

**Священник:** Боже, ущедри ны и благослови ны, просвети лице Твое на ны и помилуй ны.

**Чтец:** Аминь.

### **Молитва святого Ефрема:**

**Священник:** Господи и Владыко живота моего, дух праздности, уныния, любоначалия и празднословия не даждь ми. **(Поклон великий.)**

**Священник:** Дух же целомудрия, смиренномудрия, терпения и любве даруй ми, рабу Твоему. **(Поклон великий.)**

**Священник:** Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. **(Поклон великий.)**

**Также малых 12, глаголюще в себе на кийждо поклон:**

**Боже, очисти мя, грешнаго.**

**И паки:** Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любве даруй ми, рабу Твоему.

Ей Господи Царю, даруй ми зрети моя прегрешения и не осуждати брата моего, яко благословен еси во веки веков. **(И поклон един великий.)**

**Чтец:** Аминь.

**Боже** и Господи сил и всея твари Содетелю, Иже за милосердие безприкладныя милости Твоея, Единороднаго Сына Твоего, Господа нашего Иисуса Христа низпославый на спасение рода нашего и Честным Его Крестом рукописание грех наших растерзавый и победивый тем начала и власти тьмы: Сам, Владыко Человеколюбче, прими и нас, грешных, благодарственныя сия

и молебныя молитвы, и избави нас от всякаго всегубительнаго и мрачнаго прегрешения, и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовью Твоею уязви души наша, да к Тебе всегда взирающе и еже от Тебе светом наставляеми, Тебе, неприступнаго и присноущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым и Благим и Животворящим Твоим Духом, ныне и присно и во веки веков. Аминь.

## Час девятый

**Чтец:** Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### Псалмы 83, 84, 85.

**К**оль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадовастся о Боже живее. Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, во веки веков восхвалят Тя. Блажен муж, емуже есть заступление его у тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице Христа Твоего. Яко лучше день един во дворех Твоих паче тысящ: изволих приметатися в дому Бога моего паче, неже жити ми в селениих грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, блажен человек уповаяй на Тя.

**Б**лаговолил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или простреси гнев Твой от рода в род? Боже, Ты обращаешься оживиши ны, и людие Твои возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающия сердца к Нему. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастся. Истина от земли возсия, и правда с небесе приниче, ибо Господь даст благодать, и земля наша даст плод свой. Правда пред Ним предыдет, и положит в путь стопы своя.

**П**риклони, Господи, ухо Твое, и услыши мя, яко нищ и убог есмь аз. Сохрани душу мою, яко преподобен есмь: спаси раба Твоего, Боже мой, уповающаго на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, благ и кроток, и



многомилостив всем призывающим Тя. Внуши, Господи, молитву мою, и вонми гласу моления моего. В день скорби моей возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, придут, и поклонятся пред Тобою, Господи, и прославят имя Твое, яко велий еси Ты, и творяй чудеса, Ты еси Бог един. Настави мя, Господи, на путь Твой, и пойду во истине Твоей; да возвеселится сердце мое бояться имени Твоего. Исповемся Тебе, Господи Боже мой, всем сердцем моим, и прославлю имя Твое в век: яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты, Господи Боже мой, щедрый и милостивый, долготерпеливый и многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.

**Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.**

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Другой Чтец: И ныне и присно и во веки веков. Аминь.**

### **Кафисма 16-я.**

#### **Аллилуиа, псалом Давиду, 109.**

Рече Господь Господеви моему: седи одесную Мене, дондеже положу враги Твоя подножие ног Твоих. Жезл силы послет Ти Господь от Сиона, и господствуй посреде врагов Твоих. С Тобою начало в день силы Твоея, во светлостех святых Твоих, из чрева прежде денницы родих Тя. Клятса Господь и не раскается: Ты иерей во век по чину Мелхиседекову. Господь одесную Тебе сокрушил есть в день гнева Своего царя. Судит во языцех, исполнит падения, сокрушит главы на земли многих. От потока на пути пьет, сего ради вознесет главу.

#### **Аллилуиа, 110.**

Исповемся Тебе, Господи, всем сердцем моим, в совете правых и сонме. Велия дела Господня, изыскана во всех волях Его. Исповедание и великолепие дело Его, и правда Его пребывает в век века. Память сотворил есть чудес Своих, милостив и щедр Господь. Пищу даде боящимся Его, помянет в век завет Свой. Крепость дел Своих возвести людем Своим, дати им достойные язык. Дела рук Его истина и суд, верны вся заповеди Его, утверждены в век века, сотворены во истине и правоте. Избавление посла людем Своим: заповеда в век завет Свой, свято и страшно имя Его. Начало премудрости страх Господень, разум же

благ всем творящим и. Хвала Его пребывает в век века.

### **Аллилуиа, ангеево и Захарино, псалом 111.**

**Блажен муж, бойся Господа, в заповедех Его восхощет зело. Сильно на земли будет семя его, род правых благословится: слава и богатство в дому его, и правда его пребывает в век века. Возсия во тьме свет правым, милостив и щедр и праведен. Благ муж, щедря и дая: устроит словеса своя на суде, яко в век не подвижится. В память вечную будет праведник. От слуха зла не убоится, готово сердце его уповати на Господа. Утвердися сердце его, не убоится, дондеже воззрит на враги своя. Расточи, даде убогим, правда его пребывает во век века, рог его вознесется в славе. Грешник узрит и прогневаается, зубы своими поскрежет и растает. Желание грешника погибнет.**

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Аллилуиа, 112.**

**Хвалите, отроцы, Господа, хвалите имя Господне. Буди имя Господне благословено от ныне и до века. От восток солнца до запад хвально имя Господне. Высок над всеми языки Господь: над небесы слава Его. Кто яко Господь Бог наш? На высоких живый, и на смиренные призирая на небесы и на земли, воздвизая от земли нища, и от гноища возвышая убога, посадити его с князи, с князи людей своих; вселяя неплодовь в дом, мать о чадех веселящия.**

### **Аллилуиа, 113.**

**Во исходе Израилеве от Египта, дому Иаковля из людей варвар, бысть Иудея святыня Его, Израиль область Его. Море виде и побеже, Иордан возвратися вспять, горы възграшася, яко овны, и холми, яко агнцы овчии. Что ти есть, море, яко побегло еси? И тебе, Иордане, яко возвратился еси вспять? Горы, яко възграстеся, яко овны, и холми, яко агнцы овчии? От лица Господня подвижеся земля, от лица Бога Иаковля, обращшаго камень во езера водная и несекомый во источники водныя. Не нам, Господи, не нам, но имени Твоему даждь славу, о милости Твоей и истине Твоей. да не когда рекут языцы: где есть Бог их? Бог же наш на небесы и на земли, вся елика восхотел, сотвори. Идоли язык сребро и злато, дела рук человеческих. Уста имут, и не возглаголют, очи имут, и не узрят, уши имут, и не услышат, ноздри имут, и не обоняют, рuce имут, и не осяжут, нозе имут, и не пойдут, не возгласят гортанем своим. Подобни им да будут творящии я, и вси надеющиеся на ня. Дом Израилев упова на Господа: помощник и защититель им есть. Дом Аарон упова на Господа: помощник и защититель им есть. Боящиеся Господа уповаша на Господа: помощник и защититель им есть. Господь помянув ны благословил есть нас, благословил**

есть дом Израилев, благословилъ есть дом Ааронъ, благословилъ есть боящияся Господа, малыя с великими. Да приложитъ Господь на вы, на вы и на сыны ваша. Благословени вы Господеви, сотворшему небо и землю. Небо небесе Господеви, землю же даде сыновомъ человеческим. Не мертвии восхвалятъ Тя, Господи, ниже вси низходящии во ад, но мы, живии, благословимъ Господа отныне и до века.

#### **Аллилуиа, 114.**

**Возлюбихъ, яко услышитъ Господь глас моления моего, яко приклонитъ ухо Свое мне, и во дни моя призову. Объяша мя болѣзни смертныя, беды адовы обретоша мя, скорбь и болѣзнь обретохъ, и имя Господне призвахъ: о, Господи, избави душу мою. Милостив Господь и праведен, и Бог наш милует. Храняй младенцы Господь: смирихся, и спасе мя. Обратися, душе моя, в покой твой, яко Господь благодействова тя. Яко изъятъ душу мою от смерти, очи мои от слез и нозе мои от поползновения. Благоугожду предъ Господемъ во стране живыхъ.**

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

#### **Аллилуиа, 115.**

**Вѣровахъ, темже возглаголахъ, аз же смирихся зело. Аз же Рех во изступлении моем: всякъ человекъ ложь. Что воздамъ Господеви о всехъ, яже воздаде ми? Чащу спасения прииму и имя Господне призову, молитвы моя Господеви воздамъ предъ всеми людьми Его. Честна предъ Господемъ смерть преподобныхъ Его. О Господи, аз рабъ Твой, аз рабъ Твой и сын рабыни Твоея; растерзалъ еси узы моя. Тебѣ пожру жертву хвалы, и во имя Господне призову. Молитвы моя Господеви воздамъ предъ всеми людьми Его, во дворехъ дому Господня, посреде тебе, Иерусалиме.**

#### **Аллилуиа, 116.**

**Хвалите Господа, вси языцы, похвалите Его, вси людие, яко утвердися милость Его на нас, и истина Господня пребываетъ во век.**

#### **Аллилуиа, 117.**

**Исповѣдайтесь Господеви, яко Благъ, яко в векъ милость Его. Да речетъ убо дом Израилевъ: яко Благъ, яко в векъ милость Его. Да речетъ убо дом Ааронъ: яко Благъ, яко в векъ милость Его. Да рекутъ убо вси боящияся Господа: яко Благъ, яко в векъ милость Его. От скорби призвахъ Господа, и услыша мя в пространство. Господь мне помощникъ, и не убоюся, что сотворитъ мне человекъ. Господь мне помощникъ, и аз воззрю на враги моя. Благо есть надеяться на Господа, нежели надеяться на человека. Благо есть уповати на Господа, нежели уповати на**

князи. Все языцы обидоша мя, и именем Господним противляхся им, обышедше обидоша мя, и именем Господним противляхся им, обидоша мя, яко пчелы сот, и разгорешася, яко огонь в тернии, и именем Господним противляхся им. Отриновен превратихся пасти, и Господь прият мя. Крепость моя и пение мое Господь, и бысть ми во спасение. Глас радости и спасения в селениих праведных: десница Господня сотвори силу, десница Господня вознесе мя, десница Господня сотвори силу. Не умру, но жив буду, и повею дела Господня. Наказуя наказанья Господь, смерти же не предаде мя. Отверзите мне врата правды, вшед в нея исповемся Господеви. Сия врата Господня, праведнии внидут в нея. Исповемся Тебе, яко услышал мя еси, и был еси мне во спасение. Камень, егже небрегоша зиждущии, сей бысть во главу угла: от Господа бысть сей, и есть дивен во очесех наших. Сей день, егже сотвори Господь, возрадуемся и возвеселимся вонь. О Господи, спаси же, о Господи, поспеши же. Благословен грядый во имя Господне, благословихом вы из дому Господня. Бог Господь, и явился нам: составите праздник во учающих до рог олтаревых. Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. Исповедайтесь Господеви, яко Благ, яко в век милость Его.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**По кафисме священник, став пред царскими дверьми, глаголет настоящий тропарь со стихи, во глас 8:**

**Священник:** Иже в девятый час нас ради плотию смерть вкусивый, умертви плоти наша мудрование, Христэ Боже, и спаси нас. **(Поклон великий.)**

**Лик:** Иже в девятый час нас ради плотию смерть вкусивый, умертви плоти наша мудрование, Христэ Боже, и спаси нас.

**Стих 1:** Да приблизится молитва моя пред Тя, Господи, по словеси Твоему вразуми мя. **(Поклон великий.)**

**Лик:** Иже в девятый час нас ради плотию смерть вкусивый, умертви плоти наша мудрование, Христэ Боже, и спаси нас.

**Стих 2:** Да внидет прошение мое пред Тя, Господи, по словеси Твоему избави мя. **(Поклон великий.)**

**Лик:** Иже в девятый час, нас ради плотию смерть вкусивый, умертви плоти наша мудрование, Христэ Боже, и спаси нас.

**Священник:** Слава Отцу и Сыну и Святому Духу.

**Чтец:** **И ныне и присно и во веки веков. Аминь.**

Иже нас ради рождёйся от Девы и распятие претерпев, Благий, испровергий смертию смерть, и воскресение явлёй яко Бог, не презри, яже создал еси рукою Твоею: яви человеколюбие Твое, Милостиве: прими рождшую Тя Богородицу, молящуюся за ны, и спаси, Спасе наш, люди отчаянные.

Не предаждь нас до конца, имене Твоего ради, и не разори завета Твоего, и не отстави милости Твоея от нас, Авраама ради возлюбленного от Тебе, и за Исаака, раба Твоего, и Израиля святого Твоего.

**Святый Бже, Святый Крепкий, Святый Безсмертный, помилуй нас. (Трижды.)  
Слава Отцу и Сыну и Святому Духу, и ныне и присно и во веки веков.  
Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)

**Слава Отцу и Сыну и Святому Духу, и ныне и присно и во веки веков.  
Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Аминь.

Видя разбойник Начальника жизни на Кресте висяща, глаголаше: аще не бы Бог был воплощся, Иже с нами распныйся, не бы солнце лучи своя потайло, ниже бы земля трепещущи тряслася: но вся терпай, помяни мя, Господи, во Царствии Твоем.

**Слава Отцу и Сыну и Святому Духу.**

Посредѣ двою разбойнику мѣрило праведное обрѣтесе Крест Твой: овому убо низводиму во ад тяготою хуления: другому же легчащуся от прегрешений, к познанию богословия: Христѣ Бже, слава Тебѣ.

**И** ныне и присно и во веки веков. Аминь.

Агнца, и Пастыря, и Спаса мира, на Крестѣ зрящи Рождшая Тя, глаголаше слезящи: мир убо радуется, приемля избавление: утроба же Моя горит, зрящи Твое распятие, еже за всех терпиши, Сыне и Бже Мой.

Господи, помилуй. (40 раз.)

Иже на всякое время и на всякий час, на небеси и на земли покланяемый и славимый Христѣ Бже, долготерпеливе, многомилостиве, многоблагодарне, Иже праведныя любяй и грешныя милуяй, Иже вся зовый ко спасению, обещания ради будущих благ. Сам, Господи, прими и наша в час сей молитвы, и исправи живот наш к заповедем Твоим: души наша освяти, телеса очисти, помышления исправи, мысли очисти и избави нас от всякия скорби, зол и болезней. Оградѣ нас святыми Твоими Ангелы, да ополчением их соблюдаеми и наставляеми, достигнем в соединение веры, и в разум неприступныя Твоея славы: яко благословен еси во веки веков. Аминь.

Господи, помилуй. (Трижды.)

**Слава Отцу и Сыну и Святому Духу, и ныне и присно и во веки веков.  
Аминь.**

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Именем Господним благослови, отче.**

**Священник:** Бóже, ущéдри ны и благословí ны, просветí лицé Твоé на ны и помíлуй ны.

**Чтец:** Амíнь.

### **Молитва святаго Ефрема:**

*поклоны великия три, малыя же 12 не творим.*

**Священник:** Гóсподи и Владыко животá моего, дух прáздности, уны́ния, любоначáлия и прáзднослóвия не даждь ми. *(Поклон великий.)*

**Священник:** Дух же целомудрия, смиренномудрия, терпения и любвѣ даруй ми, рабú Твоему. *(Поклон великий.)*

**Священник:** Ей Гóсподи Царю, даруй ми зрѣти моя прегрешѣния и не осуждати брата моего, яко благословѣн еси во вѣки веков. Амíнь. *(Поклон великий.)*

**Чтец:** Амíнь.

Владыко Гóсподи Иисусе Христѣ Бóже наш, долготерпѣвый о наших согрешѣниях, и да́же до ны́нешняго часа́ приведи́ нас, во́ньже на Животворящем Дре́ве ви́ся, благоразумному разбо́йнику, и́же в рай путесотвори́л еси́ вход, и смѣртию смѣрть разруши́л еси́, очисти́ нас грѣшных и недостойных раб Твои́х. Согрѣшихом бо и беззаконновахом, и не́смы досто́йни возвести́ очеса́ наша, и воззрѣти на высоту́ небѣсную, зане́ оста́вихом путь прáвды Твоея́, и ходи́хом в во́лях серде́ц наших: но мо́лим Твою́ безме́рную бла́гость, пощади́ нас, Гóсподи, по мно́жеству ми́лости Твоея́, и спаси́ нас имене Твоего́ ра́ди свята́го, яко исчезо́ша в суетѣ́ днѣе наши. Изми́ нас из руки́ сопротивнаго, и оста́ви нам грехи́ наша, и умертви́ плотское́ наше мудрова́ние, да ветхаго отложивше челове́ка, в но́ваго облеще́мся, и Тебе́ поживе́м нашему́ Влады́це и Благодѣ́телю. И тако́ Твои́м послѣдующе́ повеле́нием, в вѣчный поко́й дости́гнем, иде́же есть всех веселя́щихся жили́ще. Ты бо еси́ вои́стинну и́стинное весе́лие, и ра́дость любя́щих Тя, Христѣ́ Бóже наш, и Тебе́ сла́ву возсыла́ем со Безначальным Твои́м Отце́м и Пресвяты́м и Благи́м, и Животворя́щим Твои́м Ду́хом, ны́не и при́сно и во вѣки веков. Амíнь.

### **Изобразительны:**

*Поem Блаженны, на оба лика, во глас 8:*

**Во Цáрствии Твоём помяни́ нас, Гóсподи, егда́ при́деши во Цáрствии Твоём.**

**Блажѣни ни́щии ду́хом, яко́ тех есть Цáрство Небѣсное.**

**Помяни́ нас, Гóсподи, егда́ при́деши во Цáрствии Твоём.**

**Блажѣни пла́чущии, яко́ ти́и утешатся.**

**Помяни́ нас, Гóсподи, егда́ при́деши во Цáрствии Твоём.**

**Блажѣни крѣ́тци, яко́ ти́и наследят зѣмлю.**

**Помяни́ нас, Гóсподи, егда́ при́деши во Цáрствии Твоём.**

**Блажѣни а́лчущии и жа́ждущии прáвды, яко́ ти́и насы́тятся.**

**Помяни́ нас, Гóсподи, егда́ при́деши во Цáрствии Твоём.**

**Блажѣни ми́лостивии, яко́ ти́и поми́ловани бу́дут.**

**Помяни́ нас, Гóсподи, егда́ при́деши во Цáрствии Твоём.**

**Блажени чистии сердцем, яко тии Бoga узрят.**

**Помяни нас, Господи, егда приидеши во Царствии Твоем.**

**Блажени миротворцы, яко тии сынове Божии нарекутся.**

**Помяни нас, Господи, егда приидеши во Царствии Твоем.**

**Блажени изгнани правды ради, яко тех есть Царство Небесное.**

**Помяни нас, Господи, егда приидеши во Царствии Твоем.**

**Блажени есте, егда поносят вам, и изженут, и рекут всяк зол глагол, на вы лжуще Мене ради.**

**Помяни нас, Господи, егда приидеши во Царствии Твоем.**

**Радуйтесь и веселитесь, яко мзда ваша многа на небесах.**

**Помяни нас, Господи, егда приидеши во Царствии Твоем.**

**Слава Отцу и Сыну и Святому Духу.**

**Помяни нас, Господи, егда приидеши во Царствии Твоем.**

**И ныне и присно и во веки веков. Аминь.**

**Помяни нас, Господи, егда приидеши во Царствии Твоем.**

**Оба лика вкупе поют велегласно:**

**Помяни нас, Господи, егда приидеши во Царствии Твоем. (Поклон великий.)**

**И паки вышшим гласом: Помяни нас, Владыко, егда приидеши во Царствии Твоем. (Поклон великий.)**

**Таже высочайшим гласом: Помяни нас, Святой, егда приидеши во Царствии Твоем. (Поклон великий.)**

**Чтец:** Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

**Стих:** Приступите к Нему и просветитесь, и лица ваша не постыдятся.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

**Слава Отцу и Сыну и Святому Духу.**

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

**И ныне и присно и во веки веков. Аминь.**

**Верую** во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего

вѣка. Амѣнь.

**Ослаби, остави, прости, Бже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении, вся нам прости, яко Благ и Человеколюбец.**

**Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Амѣнь.

### **В Храме Господском:**

#### **[Кондак Храма]**

**Кондак дне, глас 2:**

**Подобен: Вышних ищя:**

**Пророче Божий и Предтече благодати, главу твою, яко шипок священнейший от земли обретше, исцеления всегда приемлем: ибо паки, якоже прежде в мире, проповедуеши покаяние.**

Кондак святителя Порфирия, Глас 2:

Подобен: Вышних ищя:

**Священнейшими твоими нравами украшаемь, / священства одеждею озарился еси, / всеблаженне Богомудре Порфире, / и исцелений удобряеши возвышенными, / моляся непрестанно о всех нас.**

**Слава Отцу и Сыну и Святому Духу.**

**Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.**

**И ныне и присно и во веки веков. Амѣнь.**

**Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.**

### **В Храме Богородичном:**

**Кондак дне, глас 2:**

**Подобен: Вышних ищя:**

**Пророче Божий и Предтече благодати, главу твою, яко шипок священнейший от земли обретше, исцеления всегда приемлем: ибо паки, якоже прежде в мире, проповедуеши покаяние.**

Кондак святителя Порфирия, Глас 2:

Подобен: Вышних ищя:

**Священнейшими твоими нравами украшаемь, / священства одеждею озарился еси, / всеблаженне Богомудре Порфире, / и исцелений удобряеши возвышенными, / моляся непрестанно о всех нас.**



**Слава Отцу и Сыну и Святому Духу.**

**Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.**

**И ныне и присно и во веки веков. Аминь.**

**[Кондак Храма]**

**В Храме святого:**

**Кондак дне, глас 2: Подобен: Вышних ищя:**

**Пророче Божий и Предтече благодати, главу твою, яко шипок священнейший от земли обретиши, исцеления всегда приемлем: ибо паки, якоже прежде в мире, проповедуеши покаяние.**

**[Кондак Храма]**

Кондак святителя Порфирия, Глас 2:

Подобен: Вышних ищя:

**Священнейшими твоими нравами украшаемь, / священства одеждою озарился еси, / всеблаженне Богомудре Порфире, / и исцелений удобряеши возвышенными, / моляся непрестанно о всех нас.**

**Слава Отцу и Сыну и Святому Духу.**

**Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.**

**И ныне и присно и во веки веков. Аминь.**

**Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.**

**Господи, помилуй. (40 раз.)**

**Слава Отцу и Сыну и Святому Духу, и ныне и присно и во веки веков. Аминь.**

**Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.**

**Именем Господним благослови, отче.**

**Священник:** Боже, ущедри ны и благослови ны, просвети лице Твое на ны и помилуй ны.

**Чтец:** Аминь.

**Молитва святого Ефрема:**

**Священник:** Господи и Владыко животя моего, дух праздности, уныния, любоначалия и празднословия не даждь ми. **(Поклон великий.)**

**Священник:** Дух же целомудрия, смиренномудрия, терпения и любве даруй ми, рабу Твоему. **(Поклон великий.)**

**Священник:** Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. **(Поклон великий.)**

**Таже малых 12, глаголюще в себе на кийждо поклон:**

**Боже, очисти мя, грешнаго.**

**И паки:** Господи и Владыко животá моего, дух прázдности, уны́ния, любонача́лия и праздносло́вия не даждь ми.

Дух же целомудрия, смиренномудрия, терпéния и любвѣ даруй ми, рабу Твоему́.

Ей Господи Царю, даруй ми зрѣти моя прегрешéния и не осуждати брата моего, яко благословѣн еси во веки веков. **(И поклон един великий.)**

**Чтец:** Амѣнь.

## **Последование вечерни во вторник вторыя седмицы**

Приидите, поклонимся Царéви нашему́ Бо́гу.

Приидите, поклонимся и припадём Христу́, Царéви нашему́ Бо́гу.

Приидите, поклонимся и припадём Самому́ Христу́, Царéви и Бо́гу нашему́.

### **Предначинательный псалом 103.**

Благослови́, душе́ моя, Господа, Господи́ Бóже мой, возвели́чился еси́ зело́, во исповѣдание и в велелéпоту облéклся еси́. Оде́йся свѣтомъ яко́ ризою, простира́яй небо́ яко́ ко́жу. Покрыва́яй вода́ми превы́спренняя Своя, полага́яй облаки на восхожде́ние Свое, ходя́й на крилу́ вѣтреню. Творя́й Ангелы Своя́ ду́хи, ислуги́ Своя́ пла́мень о́гненный. Основáяй зéмлю на твёрди ея́, не преклонится́ в век ве́ка. Бэ́дна яко́ риза оде́яние ея́, на гора́х ста́нут во́ды, от запрещéния Твоего побéгнут, от гласа грóма Твоего убоятся. Восхо́дят горы, и низхо́дят поля́ в мѣсто, е́же основáл еси́ им. Преде́л положи́л еси́, егóже не прейдут, ниже́ обратятся́ покры́ти зéмлю. Посыла́яй исто́чники в дэ́брых, посреде́ гор прóйдут во́ды. Напáют вся звѣри сѣльныя, ждуть она́гри в жа́жду свою. На ты́х птѣицы небéсныя привита́ют, от среды́ ка́мения да́дут глас. Напáяяй горы́ от превы́спренних Своих, от пло́да дел Твои́х насытитсá зéмля. Прозяба́яй траву́ ското́м, и злак на слúжбу челове́ком, извести́ хлеб от земли́. И вино́ веселит́ сёрдце челове́ка, ума́стити лице́ елѣем, и хлеб сёрдце челове́ка укрепит́. Насытятся́ дрéва польская́, кедри ливáнстии, ихже еси́ насадил́. Та́мо птѣицы вогнездят́ся, еродиево жили́ще предводит́ельствуетъ ими́. Горы́ высóкия елѣнем, ка́мень прибе́жище зáяцем. Сотвори́л естъ луну́ во времена́, со́лнце позна́ запа́д свой. Положи́л еси́ тьму, и бысть но́щь, в нейже прóйдут вси́ звѣрие дубра́внии. Скѣмни рыка́ющии восхѣтити, и взыска́ти от Бóга пи́щу себе. Возсия́ со́лнце, и собра́шася, и в ло́жах сво́их ля́гут. Изы́дет челове́к на дѣло свое, и на дѣлание свое до вѣчера. Яко́ возвели́чишася дeла́ Твоя, Господи́, вся премúдростию сотвори́л еси́, испóлнися зéмля твáри Твоея. Си́е мо́ре великое́ и простра́нное, та́мо га́ди, ихже несть числа́, живóтная ма́лая с великими́, та́мо корабли́ преплáвают, змий сей, егóже созда́л еси́ ругáтися ему. Вся к Тебе́ ча́ют, да́ти пи́щу им во блага́ время. Дáвшу Тебе́ им, соберу́т, отвѣрзшу Тебе́ ру́ку, всяческая́ испóлнятся блага́сти, отвращу́ же Тебе́ лице́, возьмáтутся, отымеши́ дух их, и исчéзнут, и в персть свою́ возвратятся́. Пóслеши́ Ду́ха Твоего́, и сози́ждутся, и обновѣши́ лице́ земли́. Бúди сла́ва Господня́ во ве́ки, возвеселится́ Господь о дeлех Своих, призира́яй на зéмлю, и творя́й ю́ трясти́ся, прикаса́яйся гора́м, и дымáтся. Воспою́ Господеви́ в животе́ моем, пою́ Бо́гу моему́, дóндеже есмь, да усладится́ Ему́ бесéда моя, аз же

возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

**Солнце** позна запад свой, положил еси тьму, и бысть ночь.

**Яко** возвеличишася дела Твоя, Господи, вся премудростию сотворил еси.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

### **Ектения великая:**

**Диакон:** Мiром Господу помoлимся.

**Лик:** Господи, помилуй.

**Диакон:** О свѣшнем мiре, и спасѣнии душ наших, Господу помoлимся.

**Лик:** Господи, помилуй.

**Диакон:** О мiре всего мiра, благостоянии Святых Божиих Церквей, и соединении всех, Господу помoлимся.

**Лик:** Господи, помилуй.

**Диакон:** О святѣм храме сем и с верою, благоговѣнием и страхом Божиим входящих вонь, Господу помoлимся.

**Лик:** Господи, помилуй.

**Диакон:** О Великом Господiне и отце нашем Святѣйшем Патриархе **(Имярек)** и о Господiне нашем Преосвященнейшем епископе (или: архиепископе, или: митрополите, **(Имярек)** , егоже есть область), честнем пресвитерстве, во Христѣ диаконстве, о всем причте и людех, Господу помoлимся.

**Лик:** Господи, помилуй.

**Диакон:** О Богохранимей странѣ нашей, властех и вoинстве ея, Господу помoлимся.

**Лик:** Господи, помилуй.

**Диакон:** О граде сем, всяком граде, странѣ и верою живущих в них, Господу помoлимся.

**Лик:** Господи, помилуй.

**Диакон:** О благорастворѣнии воздухов, о избoилии плодов земных и временех мирных, Господу помoлимся.

**Лик:** Господи, помилуй.

**Диакон:** О плавающих, путешествующих, недугующих, страждущих, плененных и о спасѣнии их, Господу помoлимся.

**Лик:** Господи, помилуй.

**Диакон:** О избавитися нам от всякия скорби, гнева и нужды, Господу помoлимся.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Лик:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянуvше, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

**Лик:** Аминь.

### **Кафисма 18-я.**

### **Песнь степеней, 119.**

**К**о Господу, внигда скорбети ми, возвах, и услыша мя. Господи, избави душу мою от устен неправедных и от языка лстыва. Что дастся тебе, или что приложится тебе к языку лстыву? Стрелы сильного изощрены, со угльми пустынными. Увы мне, яко пришельствие мое продолжися, вселихся с селении Кидарскими. Много пришельствова душа моя, с ненавидящими мира бех мирен: егда глаголах им, боряху мя туне.

### **Песнь степеней, 120.**

**В**озведох очи мои в горы, отнюдуже приидет помощь моя. Помощь моя от Господа, сотворшаго небо и землю. Не даждь во смятение ног твоих, ниже воздремлет храняй тя, се не воздремлет, ниже уснет храняй Израиля. Господь сохранит тя, Господь покров твой на руку десную твою. Во дни солнце не ожжет тебе, ниже луна ноцию. Господь сохранит тя от всякаго зла, сохранит душу твою Господь. Господь сохранит вхождение твое и исхождение твое, от ныне и до века.

### **Песнь степеней, 121.**

**В**озвеселихся о рекших мне: в дом Господень пойдём. Стояще бяху ноги наша во дворех твоих, Иерусалиме. Иерусалим зиждемый яко град, емуже причастие его вкупе. Тамо бо въздоща колена, колена Господня, свидение Израилево, исповедатися имени Господню, яко тамо седоща престолы на суд, престолы в дому Давидове. Вопросите же яже о мире Иерусалима: и обилие любящим тя. Буди же мир в силе твоей и обилие в столпостенех твоих. Ради братьий моих и ближних моих глаголах убо мир о тебе. Дому ради Господа Бога нашего зысках благая тебе.

### **Песнь степеней, 122.**

**К** Тебе возведох очи мои, Живущему на небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. Помилуй нас, Господи, помилуй нас, яко по многу исполнихомся унижения, наипаче наполнися душа наша поношения гобзующих и унижения гордых.

### **Песнь степеней, 123.**

**Я**ко аще не Господь бы был в нас, да речет убо Израиль, яко аще не Господь бы был в нас, внигда востати человеком на ны, убо живых пожерли быша нас, внигда прогневатися ярости их на ны, убо вода потопила бы нас. Поток прейде душа наша, убо прейде душа наша воду непостоянную. Благословен Господь, Иже не даде нас в ловитву зубом их. Душа наша, яко птица избавися от сети ловящих: сеть сокрушися, и мы избавлени быхом. Помощь наша во имя Господа, сотворшаго небо и землю.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

**Господи, помилуй. (Трижды.)**

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Песнь степеней, 124.**

Надеющиеся на Господа, яко гора Сион: не подвижится в век живый во Иерусалиме. Горы окрест его, и Господь окрест людей Своих от ныне и до века. Яко не оставит Господь жезла грешных на жребий праведных, яко да не прострут праведнии в беззакония рук своих. Ублажи, Господи, благия и правыя сердцем. Уклоняющиеся же в развращения отведет Господь с делующими беззаконие. Мир на Израиля.

### **Песнь степеней, 125.**

Внегда возвратити Господу плен Сионъ, быхом яко утешени. Тогда исполнися радости уста наша, и язык наш веселия, тогда рекут во языцех: возвеличил есть Господь сотворити с ними. Возвеличил есть Господь сотворити с нами: быхом веселящися. Возврати, Господи, пленение наше, яко потоки югом. Сеющи слезами, радостию пожнут. Ходящи хождяху и плакахуся, метяуще семена своя, грядуще же приидут радостию, вземлюще рукояти своя.

### **Песнь степеней, 126.**

Аще не Господь созиждет дом, всеу трудяшася зиждущии. Аще не Господь сохранит град, всеу бде стрегий. Всеу вам есть утревати, востанете по седении, ядущии хлеб болезни, егда даст возлюбленным Своим сон. Се достояние Господне сынове, мзда плода чревняго. Яко стрелы в руке сильного, тако сынове оттрясенных. Блажен, иже исполнит желание свое от них. Не постыдятся, егда глаголют врагом своим во вратех.

### **Песнь степеней, 127.**

Блажени вси боящиеся Господа, ходящие в путех Его. Труды плодов твоих снеси: блажен еси, и добро тебе будет. Жена твоя, яко лоза, плодовица в странах дому твоего, сынове твои, яко новосаждения масличная, окрест трапезы твоя. Се тако благословится человек бояйся Господа. Благословит тя Господь от Сиона, и узриши благая Иерусалима вся дни живота Твоего, и узриши сыны сынов твоих. Мир на Израиля.

### **Песнь степеней, 128.**

Множицею брашася со мною от юности моея, да речет убо Израиль: множицею брашася со мною от юности моея, ибо не премогаша мя. На хребте моем делаша грешницы, продолжиша беззаконие свое. Господь праведен ссече выя грешников. Да постыдятся и возвратятся вспять вси ненавидящие Сиона. Да будут яко трава на здох, яже прежде восторжения изсше, еюже не исполни руки своея жнй, и недра своего рукояти собираяй, и не реша мимоходящих: благословение Господне на вы, благословихом вы во имя Господне.

**Слава Отцу и Сыну и Святому Духу.**

**Лик: И ныне и присно и во веки веков. Аминь.**

Аллилуиа, аллилуиа, аллилуиа, слава Тебе, Боже. *(Трижды.)*

Господи, помилуй. *(Трижды.)*

**Слава Отцу и Сыну и Святому Духу.**

**Чтец: И ныне и присно и во веки веков. Аминь.**

### **Песнь степеней, 129.**

Из глубины возвах к Тебе, Господи, Господи, услыши глас мой. Да будут уши Твои внимлюще гласу моления моего. Аще беззакония назириши, Господи, Господи, кто постоит? Яко у тебе очищение есть. Имене ради Твоего потерпех Тя, Господи, потерпе душа моя в слово Твое, упова душа моя на Господа. От стражи утренняя до ночи, от стражи утренняя да уповает Израиль на Господа. Яко у Господа милость, и многое у Него избавление, и Той избавит Израиля от всех беззаконий его.

### **Песнь степеней, 130.**

Господи, не вознесеса сердце мое, ниже вознесостеса очи мои, ниже ходих в великих, ниже в дивных паче мене. Аще не смиреномудрствовах, но вознесох душу мою, яко отдоеное на мать свою, тако воздаси на душу мою. Да уповает Израиль на Господа от ныне и до века.

### **Песнь степеней, 131.**

Помяни, Господи, Давида и всю кротость его: яко клятса Господеви, обещася Богу Иаковлю: аще вниду в селение дому моего, или взыду на одр постели моея, аще дам сон очима мойма и веждама мойма дремание, и покой скранияма мойма, дондеже обрящу место Господеви, селение Богу Иаковлю. Се слышахом я во Евфрафе, обретохом я в полях дубравы. Внидем в селения Его, поклонимся на место, идеже стоясте нозе Его. Воскресни, Господи, в покой Твой, Ты и кивот святыни Твоея.

Священницы Твои облекутся правдою, и преподобнии Твои возрадуются. Давида ради раба Твоего, не отврати лице помазаннаго Твоего. Клятса Господь Давиду истинною, и не отвержется ея: от плода чрева твоего посажду на престоле твоём. Аще сохранят сынове твой завет Мой, и свидения Моя сия, имже научу я, и сынове их до века сядут на престоле твоём. Яко избра Господь Сиона, изволи и в жилище Себе. Сей покой Мой во век века, zde вселюся, яко изволих и. Ловитву его благословляяй благословлю, нищия его насыщу хлебы, священники его облеку во спасение, и преподобнии его радостию возрадуются. Тамо возвращу рог Давидови, уготовах светильник помазанному Моему. Враги его облеку студом, на немже процветет святыня Моя.

### **Песнь степеней, 132.**

Се что добро, или что красно, но еже жити братии вкупе? Яко миро на главе, сходящее на браду, браду Аарону, сходящее на ометы одежды его, яко роса Аермонская сходящая на горы Сионския, яко тамо заповеда Господь

благословение и живёт до века.

### **Песнь степеней, 133.**

**Се** ныне благословите Господа, вси раби Господни, стоящи в храме Господни, во дворех дому Бога нашего. В нощех воздежите руки ваша во святая, и благословите Господа. Благословит тя Господь от Сиона, сотворивый небо и землю.

**Слава Отцу и Сыну и Святому Духу, и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе, Боже. (Трижды.)**

### **Ектения малая:**

**Диакон:** Паки и паки миром Господу помолимся.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Лик:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко Твоя держава, и Твое есть Царство и сила и слава, Отца и Сына и Святаго Духа, ныне и присно и во веки веков.

**Лик:** Аминь.

### **Господи, воззвах...**

**Поём Господи, воззвах... на оба лика, во глас 2:**

Господи, воззвах к Тебе, услыши мя, услыши мя Господи.

Господи, воззвах к Тебе, услыши мя: вонми гласу моления моего, внегда воззвати ми к Тебе. Услыши мя Господи.

Да исправится молитва моя, яко кадило пред Тобою, воздеяние руку мою жертва вечерняя. Услыши мя Господи.

Положи, Господи, хранение устам моим, и дверь ограждения о устнах моих.

Не уклони сердце мое в словеса лукавствия, непщевати вини о гресех.

С человеки делающими беззаконие, и не сочтуса со избранными их.

Накажет мя праведник милостию и обличит мя, елей же грешнаго да не намастит главы моея.

Яко ещё и молитва моя во благоволениях их, пожертвы быша при камени судий их.

Услышатся глаголи мои, яко возмогша: яко толща земли проседеса на земли, расточиса кости их при аде.

Яко к Тебе, Господи, Господи, очи мои: на Тя уповах, не отыми душу мою.

Сохрани мя от сети, юже составиша ми, и от соблазн делающих беззаконие.

Падут во мрежу свою грешницы: един есмь аз, дондеже прейдю.

Гласом моим ко Господу воззвах, гласом моим ко Господу помолихся.

Пролию пред Ним моление мое, печаль мою пред Ним возведу.

**Внегда** исчезати от Мене дѹху моему: и Ты познал еси стези моя.

**На** пути сем, по немуже хождах, скрѣша сеть мне.

**Смотря**х одесную и взглядах, и не бе зная менѣ.

**Погибе** бѣгство от Мене, и несть взыскай дѹшу мою.

**Возвах** к Тебе, Господи, рех: Ты еси упование мое, часть моя еси на земли живых.

**Вонми** молению моему, яко смирихся зело.

**Избави** мя от гонящих мя, яко укрепѣшася паче менѣ.

**Изведи** из темницы дѹшу мою, исповѣдатися имени Твоему.

**Мене** ждут праведницы, дондеже воздаси мне.

**Из** глубины возвах к Тебѣ, Господи, Господи, услыши глас мой.

**Да** будут уши Твои, внемлюще гласу моления моего.

**Стих:** **Аще** беззакония назириши, Господи, Господи, кто постоит? яко у тебѣ очищение есть.

**Стихиры Триоди, глас 1:**

**Подобен: Прехвальнии мученицы:**

**На** Крестѣ распростерл еси Христѣ, пречистей рѹце Твои, собирая концы. Темже зову Ти: расточенный ум мой собери, плененный, влекомый страстьми, и страданий Твоих общника мя покажи, воздержанием всего очищена.

**Стих:** **Имене** ради Твоего потерпѣх Тя, Господи, потерпѣ душа моя в слово Твое, упова душа моя на Господа.

**Дѣти** обострив иногда пост, показав сильнейшыя, якоже пишется, огня палящаго. Смирѣнная душе моя постѣся, вжигаящи в себѣ Владычнее возлюбленіе, имже будущия возможеш избегати геенны, и страсти попаляти всепагубныя.

**Стих:** **От** стражи утренния до нощи, от стражи утренния, да уповает Израиль на Господа.

**Ина стихира господина Феодора, глас 3:**

**Подобен: Доблии мученицы:**

**Время** веселое поста, темже чистоты световидныя, и любве чистыя, молитвы светозарныя, и всякия иныя добродетели насытившеся богато, светло возопиим: Кресте Христов всесвятей, возрастивый сладость жизни, всех чистым сердцем тебѣ поклонитися сподоби нас, очищение нам да и велию милость.

**Стих:** **Яко** у Господа милость, и многое у Него избавление, и Той избавит Израиля от всех беззаконий его.

**Стихиры Преподобнаго Прокония Подобен: Яко дбля; Глас 4:**

**По** образу быв Божію и по подобію/ от начала создания, всеблаженне,/ образа достояние соблюсти потщался еси/ помыслом всеблагочестивым,/ и ума чистотою и святости,/ и страстей воздержанием,/ и соблюдением Христовых велений/ и благочестия, пребогате.

**Стих:** **Хвалите** Господа вси языцы, похвалите Его вси людие.

**Пощением** первее прием/ и страданием Богомудренно последи,/ благоугодил еси обоими Создавшему,/ Единому очищение истязующему от нас и душевное



благородие./ Егоже плотское пришествие слава,/ поклонялся еси образу святому,/ иже по Того вочеловечению.

**Стих:** Яко утвердися милость Его на нас, и истина Господня пребывает во век.

**Иже** Слова воплощение/ злостиве отвергшия обличая, преподобие,/ совершил еси язвенными истязаниями,/ и всяцеми озлобленными, и узами, и темницею,/ утверждая истину./ Темже был еси Христова Царствия наследник,/ и радости неизреченныя,/ и присносущнаго сияния.

**Слава Отцу и Сыну и Святому Духу, и ныне и присно и во веки веков. Аминь.**

**КрестоБорогордичен Преподобнаго ПроконияПодобен: Яко дбля; Глас 4:**

**Агнца** и Пастыря Тя/ на Древе яко виде,/ Агница рождающая рыдаше/ и Матерски Тебе вещае:/ Сыне возжеленне,/ како на древе Крестнем повешен еси, Долготерпеливе?/ како руке и нозе Твои, Слове,/ пригвоздишася от беззаконных,/ и кровь Твою изливал еси, Владыко?

**Лик:** Свете тихий святых славы Безсмертнаго Отца Небеснаго, Святаго, Блаженнаго, Иисусе Христе. Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными. Сыне Божий, живот дай, темже мир Тя славит.

**Диакон:** Вбнем.

**Чтец:** Прокимен, глас шестый:

Спаси Господи люди Твоя, и благослови достояние Твое.

**Лик:** Спаси Господи люди Твоя, и благослови достояние Твое.

**Чтец, Стих:** К Тебе Господи, воззову Боже мой.

**Лик:** Спаси Господи люди Твоя, и благослови достояние Твое.

**Чтец:** Спаси Господи люди Твоя

**Лик:** и благослови достояние Твое.

**Священник:** Премудрость.

**Чтец:** Бытия чтение

**[Быт. 4:8-15].**

**Диакон:** Вбнем.

**Чтец:** Рече Каин ко Авелю брату своему: пойдём на поле. и бысть в негда быти им на поли, воста Каин на Авеля брата своего, и убил его. И рече Господь Бог ко Каину: где есть Авель брат твой; и рече, не вем: еда страж брату моему есмь аз; И рече Господь: что сотворил еси сие; глас крове брата твоего вопиет ко Мне от земли. И ныне проклят ты на землю, яже разверзе уста своя, прияти кровь брата твоего от руки твоея. Егда делаеши землю, и не приложит силы своея дати тебе: стенья, и трясыйся будеши на земли. И рече Каин ко Господу Богу: вящшая вина моя, еже оставится ми. Аще изгониши мя днесь от лица земли, и от лица Твоего скрьюся, и буду стенья и трясыйся на земли, и будет всяк обретая мя, убьет мя. И рече ему Господь Бог: не тако, всяк убивый Каина, седмижды отмстится. и положи Господь Бог знамение на Каине, еже не убить его всякому обретающему его.

**Диакон:** Вбнем.

**Чтец:** Прокимен, глас седмый:

Господь крепость людем Своим даст, Господь благословит люди Своя миром.

**Лик:** Господь крепость людем Своим даст, Господь благословит люди Своя миром.

**Чтец, Стих:** Принесите Господеву сынове Божии, принесите Господеву сыны овни.

**Лик:** Господь крепость людем Своим даст, Господь благословит люди Своя миром.

**Чтец:** Господь крепость людем Своим даст

**Лик:** Господь благословит люди Своя миром.

**Диакон:** Премудрость.

**Чтец:** Притчей чтение

**[Притч. 5:1-5].**

**Диакон:** Вбнем.

**Чтец:** Сыне, мой премудрости внима́й, к моим же словесем прилага́й у́хо твоё. Да сохрани́ши мы́сль благо́ю: чу́вство же мо́их усте́н запове́дает тебе́. Не внима́й зле́й женé: ме́д бо ка́плет от усте́н жены́ блудни́цы, я́же на вре́мя наслажда́ет тво́й горта́нь: Последи́ же горча́е же́лчи обря́щещи, и изъощре́ну па́че мечá обою́ду остра́. Безу́мия бо но́зе низво́дят употребле́ющих ю́ со сме́ртию во а́д, стопы́ же ея́ не утвержда́ются: На пу́ти бо живо́тныя не нахо́дит, заблужде́нна же течéния ея́ и неблаго́разумна. Ны́не у́бо сы́не, послу́шай мене́, и не отринове́нна сотвори́ моя́ словеса́: Далéче от нея́ сотвори́ пу́ть тво́й, и не прибли́жися к двéрем домо́в ея́: Да не преда́ст иным живота́ твоего́, и твоего́ жити́я не милостивным. Да не насы́тятся ини́и твоея́ крепости́, твои́ же труды́ в до́мы чужды́я вни́дут. И раска́ешися на послéдок тво́й, егда́ истрю́тся плóти тéла твоего́, и рече́ши: Ка́ко возненави́дех наказáние, и от обличéний уклони́ся сёрдце моё; Не послу́шах гласа́ наказу́ющаго мя́, и ко уча́щему мя́ не прилага́х у́ха моего́: Вмáле бéх во вся́ком зле́ посреде́ цёркве и со́нмища. Сы́не, пий́ воды́ от твои́х сосу́дов, и от твои́х кладенце́в исто́чника.

**Чтец:** Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально, и прославлено имя Твое во веки. Аминь.

**Буди,** Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

**Господи,** милость Твоя во век, дел руку Твоею не презри: Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

**Ектения просительная:**

**Диакон:** Исполним вечернюю молитву нашу Господеви.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Лик:** Господи, помилуй.

**Диакон:** Вечера всего совершенна, свята, мирна и безгрешна, у Господа просим.

**Лик:** Подай, Господи.

**Диакон:** Ангела мирна, верна наставника, хранителя душ и телес наших, у Господа просим.

**Лик:** Подай, Господи.

**Диакон:** Прощения и оставления грехов и прегрешений наших, у Господа просим.

**Лик:** Подай, Господи.

**Диакон:** Добрых и полезных душам нашим, и мира миру, у Господа просим.

**Лик:** Подай, Господи.

**Диакон:** Прочее время живота нашего в мире и покаянии скончати, у Господа просим.

**Лик:** Подай, Господи.

**Диакон:** Христианския кончины живота нашего, безболезнены, непостыдны, мирны, и добраго ответа на Страшнем Судищи Христове, просим.

**Лик:** Подай, Господи.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

**Священник:** Мир всем.

**Лик:** И духови твоему.

**Диакон:** Главы наша Господеви приклоним.

**Лик:** Тебе, Господи.

**Священник:** Буди держава Царствия Твоего благословена и препрославлена, Отца и Сына и Святаго Духа, ныне и присно и во веки веков.

**Лик:** Аминь.

### **На стиховне самогласен дне, глас 3:**

Плотию распныйся Господи, и с Собою распный ветхаго нашего человека, копием же прободен в ребра, и человекогубителя спрободый змия, пригвозди к страху Твоему плоти моя, и любовьию Твоею уязви мою душу: да Твою созерцая страсть, воздержно совершу поста определение, не точию чрево, но и другия греха входы удержавая: сокрушение же сердца, и духа смирение пожру Тебе, о преждебывших моих согрешениях, от нихже мя избави Человеколюбче. **Стих:** К Тебе возведох очи мои Живущему на небеси. Се яко очи раб в руку господий своих, яко очи рабыни в руку госпожи своей: тако очи наши ко Господу Богу нашему, дондеже ущедрит ны.

Плотию распныйся Господи, и с Собою распный ветхаго нашего человека, копием же прободен в ребра, и человекогубителя спрободый змия, пригвозди к страху Твоему плоти моя, и любовьию Твоею уязви мою душу: да Твою

созерцая страсть, воздержно совершу поста определение, не тобою чрево, но и другие грехи входы удержавая: сокрушение же сердца, и духа смирение пожру Тебе, о преждебывших моих согрешениях, от нихже мя избави Человеколюбче. **Стих: Помилуй нас, Господи, помилуй нас, яко по многу исполнихомся уничижения: наипаче наполни душа наша поношения гобзующих и уничижения гордых.**

**Мученичен:** Пророцы, и апостоли Христовы, и мученицы, научиша пети Троицу Единосущную, и просветиша языки заблуждшыя, и общники ангелов сотвориша сыны человеческия.

**Слава Отцу и Сыну и Святому Духу, и ныне и присно и во веки веков. Аминь.**

**Подобен: Велия мученик:**

**Крестобогородичен:** Видящи из Тебе Родшагося Всенепорочная, висяща на Древе, рыдала еси вопиющи: превозжеленное Мое Чадо, где Твоя зайде доброта светоносная, яже удобри человеческое естество;

**Чтец:** Ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.

**Святой Боже, Святой Крепкий, Святой Безсмертный, помилуй нас. (Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

**Господи, помилуй. (Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Лик: Аминь.**

**глас 4:**

Богородице Дево, радуйся, Благодатная Марие, Господь с Тобою: благословена Ты в женах, и благословен Плод чрева Твоего, яко Спаса родила еси душ наших. **(Поклон великий.)**

**Слава Отцу и Сыну и Святому Духу.**

Крестителю Христов, всех нас помяни, да избавимся от беззаконий наших: тебе бо дадеся благодать молиться за ны. **(Поклон великий.)**

**И ныне и присно и во веки веков. Аминь.**

Молите за ны, святии апостоли, святии вси, да избавимся от бед и скорбей, вас бо теплыя предстатели ко Спасу стяжахом. **(Поклон великий.)**

Под Твое благоутробию прибегаем, Богородице, моления наша не презри во обстоянии: но от бед избави ны, единая Чистая, единая Благословенная. **(Без поклона.)**

**Чтец:** Господи, помилуй. **(40 раз.)**

**Слава Отцу и Сыну и Святому Духу, и ныне и присно и во веки веков. Аминь.**

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Именем Господним благослови, отче.

**Священник:** Сый благословен Христос Бог наш всегда, ныне и присно и во веки веков.

**Чтец:** Аминь.

Небесный Царю, веру утверди, языки укроти, мир умири, святыи храм сей добре сохрани, прежде отшедшия отцы и братию нашу в селениих праведных учини и нас в покаянии и исповедании приими, яко Благий и Человеколюбец.

### **Молитва святого Ефрема:**

**Священник:** Господи и Владыко живота моего, дух праздности, уныния, любоначалия и празднословия не даждь ми. **(Поклон великий.)**

**Священник:** Дух же целомудрия, смиренномудрия, терпения и любви даруй ми, рабу Твоему. **(Поклон великий.)**

**Священник:** Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. **(Поклон великий.)**

**Таже малых 12, глаголюще в себе на кийждо поклон:**

**Богже, очисти мя, грешнаго.**

**И паки:** Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей Господи Царю, даруй ми зрети моя прегрешения и не осуждати брата моего, яко благословен еси во веки веков. **(И поклон един великий.)**

**Чтец:** Аминь.

Святыи Боже, Святыи Крепкий, Святыи Безсмертный, помилуй нас. **(Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. **(Трижды.)**

**Слава Отцу и Сыну и Святому Духу, и ныне и присно и во веки веков. Аминь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Амѣнь.

**Господи,** помилуй. *(12 раз.)*

**Всесвятая Троице,** Единосущная Державо, нераздельное Царство, всех благих вина, благоволи же и о мне, грешнем, утверди, вразуми сердце мое и всю мою отыми скверну. Просвети мою мысль, да выну славлю, пою, и поклоняюся, и глаголю: един Свят, един Господь, Иисус Христос, в славу Бога Отца. Амѣнь.

**Лик:** Буди имя Господне благословено от ныне и до века. *(Трижды.)*

**Чтец:** Слава Отцу и Сыну и Святому Духу, и ныне и присно и во веки веков. Амѣнь.

### **Псалом 33.**

**Благословлю** Господа на всякое время, выну хвалю Его во устех моих. О Господе похвалится душа моя, да услышат коротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй животи, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо. Взыщи мира, и пожен и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренных духом спасет. Мнози скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

**Священник:** Премудрость.

**Лик:** Достошно есть яко воистинну, блажити Тя, Богородицу, Присноблаженную и Пренепорочную и Матерь Бога нашего.

**Священник:** Пресвятая Богородице, спаси нас.

**Лик:** Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Священник:** Слава Тебе, Христе Боже, Упование наше, слава Тебе.

**Лик:** Слава Отцу и Сыну и Святому Духу, и ныне и присно и во веки веков. Амѣнь.

**Господи,** помилуй. *(Трижды.)*

**Благослови.**

### **Священник глаголет отпуст:**

**Священник:** Христос Истинный Бог наш, молитвами Пречистой Своей Матере, Силою Честного и Животворящего Креста, святых слavnных и всехвалных Апостол, святых слavnных и Добропобедных мучеников, Преподобных и Богоносных отец наших, [и святаго храма и дне,] святых праведных богоотец Иоакима и Анны, и Всех святых, помилует и спасет нас, яко Благ и Человеколюбец.

### **Посем лик поет многолетие:**

#### **Полезная информация о памяти святителя Порфи́рия**

**Р**одился около 346 года в Фессалониках, в Македонии. Родители его были люди состоятельные, и он получил хорошее образование. Юноша полюбил иноческую жизнь, и в двадцать пять лет оставил родину и отправился в Египет. Там он подвизался на горе Нитрийской, пользуясь руководством святого Макария Великого (память 19 января). В то время блаженный Иероним (память 15 июня) посещал египетские монастыри. Вместе с ним святой Порфирий отправился в Иерусалим на поклонение святым местам и Животворящему Кресту Господню, затем поселился в пустыне Иорданской, предаваясь молитве и посту. Там святой Порфирий впал в тяжкий недуг и, чтобы исцелиться, снова отправился в Иерусалим. Несмотря на болезнь, он ежедневно посещал святые места и храм Воскресения Христова. Однажды, когда святой Порфирий в полном расслаблении и забытии лежал у подножия Голгофы, Господь посетил Своего усердного ученика в спасительном сновидении. Святой Порфирий увидел Иисуса Христа, сошедшего с Креста и обратившегося к нему со словами: «Прими это Древо и храни его». Проснувшись, он почувствовал себя здоровым. Слова Спасителя вскоре сбылись: Иерусалимский патриарх посвятил святого Порфирия в пресвитерский сан и поставил хранителем Честного Древа Креста Господня. Около этого времени святой получил свою часть родительского наследства – 4000 золотых монет. Он все раздал нуждавшимся и на украшение храмов Божиих.

**В** 395 году скончался епископ города Газы (в Палестине). Христиане этого города отправились в Кесарию к митрополиту Иоанну с просьбой поставить им нового епископа, который бы мог противодействовать язычникам, преобладавшим в их городе и притеснявшим христиан. Господь внушил митрополиту призвать иерусалимского пресвитера святого Порфирия. Со страхом и трепетом принял святой подвижник новое назначение. Он со слезами поклонился Животворящему Древу и отправился к месту новых своих подвигов.

**К**огда святитель Порфирий прибыл в Газу, там было всего лишь три церкви, а языческих капищ и идолов – великое множество. В тот год, как святитель прибыл в Газу, случилось бездождие и великая засуха. Жрецы приносили жертвы идолам, но бедствие не прекращалось. Тогда святитель Порфирий заповедал всем христианам пост, совершил всенощное бдение и обошел с крестным ходом весь город. После этого небо покрылось тучами, загремел гром

и пролился обильный дождь. Видя такое чудо, многие язычники уверовали и восклицали: «Один Христос есть Бог Истинный!» После этого к Церкви присоединились, приняв святое Крещение, 127 мужчин, 35 женщин и 14 детей. А вскоре и еще 110 человек. Однако язычники по-прежнему притесняли христиан: устраняли их от общественных должностей, обременяли налогами. Тогда святитель Порфирий и митрополит Кесарии Иоанн отправились в Константинополь, чтобы просить защиты у императора. Их принял архиепископ Константинопольский святитель Иоанн Златоуст (память 13 ноября) и оказал действенную помощь.

**С**вятители Иоанн и Порфирий были представлены императрице Евдоксии, которая в то время ждала ребенка. «Потрудись за нас, – сказали епископы императрице, – и Господь пошлет тебе сына, который воцарится при твоей жизни». Евдоксия горячо желала иметь сына, ибо прежде у нее рождались лишь дочери. И, действительно, в императорском семействе по молитве святителей родился наследник. После этого в 401 году император дал указ разрушить в городе Газе идольские капища и предоставить христианам различные привилегии. Кроме того, императрица дала святителям средства на построение в Газе нового храма, который был сооружен на месте самого главного капища.

**С**вятой епископ Порфирий к концу жизни полностью утвердил христианство в Газе и совершенно оградил свою паству от притеснения язычников. По молитвам Святителя совершались многочисленные чудеса и исцеления. Он пас свое словесное стадо около 25 лет (†420).

### **Полезная информация о памяти Преподобного Прокония**

**П**реподобный Проконий Декаполит († ок. 750) уроженец Декаполиса, или Десятиградия, воспоминаемого в благовестии святого Евангелиста Марка (Мк. 7:31).

**В** этих святых местах, расположенных близ Галилейского озера, где проповедовал Господь наш Иисус Христос, святой Проконий принял иночество и, непрестанно подвизаясь в молитве и посте, достиг высокой, благодатной чистоты и духовной ревности о Боге.

**В** те времена православных христиан постигло великое испытание – гонение на святые иконы.

**П**реподобный Проконий мужественно выступил против иконоборческой ереси, обличая заблуждения еретиков и разъясняя безумие нечестиво хулящих «Воплощенное Слово». По повелению незаконного гонителя икон – императора Льва Исаврянина (716–741) – святой исповедник был схвачен, предан жестокому бичеванию, истязанию железными орудиями и брошен в темницу вместе со своим другом, преподобным Василием Исповедником (память 28 февраля). Святые узники, претерпевая множество лишений, томилась в заключении до самой смерти царемучителя и когда прекратилось гонение они были освобождены вместе с другими ревнителями Православия, страдавшими за святые иконы. Выйдя на свободу, святой вернулся к иноческим трудам, наставляя многих на путь добродетели и приводя ко



**спасению.**